

Karce Baani Zunbu, Šaato, Gaawo



SOŃAY ALHABAREY

CAW SOŃAY
ŠENNI RA SOHŌ !!

Hantum Taakantoo
Noowanbur - Deesanbur
2009

Alhabarey kaŋ goo soŋay šenni ra, ngi ne!



Ir g'ir kabey gaaru war se, koyraa borey

Ir alhabar taakantoo ti woo kaŋ ir na tee ir g'ir kabey gaaru war se hala war lakkaley ma tonton ir waney ga. Woo din sabbu se, ir ga hāayaney wey tee. Koyraa borey, macin ti hayaa wala nafaa kaŋ war dii a alhabarey kaŋ ir n'i tee ka bisa ra? Nda nafaw g'i ra war ma hantum ir se k'a noo šatoo boŋkoynoo se, nda war goo nda lakkal kaŋ war ga baa war ma tonton ir waney ga, wala war goo nd'anniya foo, wa bisimilla. Gaawo borey, war se ir goo ne ra. Wa tangam soŋay šennoo fondaa ra, nga ti war kokoroo.

Gaa-ham-baani fondaa ra

Ir ga šelaŋ, koyraa borey se, fondawey kaŋ cinandi ga, i ma ngi boŋ hawgay. Fondawey ga boori, i goo nda nafaw beeri, amma fondawey ga wiya, i ga boro laybu. Woo din sabbu se borey kaŋ ga mobil, moto, nda torkaa zurandi, war ma boŋ lakkal fondaa ga. Zankey ŋaŋey nda zankey baabey, wa zankey hawgay kaŋ ga zuru-zuru fondaraŋey boŋ kaŋ ga hin k'i wii. Fondawey man'ti hooray doo. Zankey kaŋ ga zuru hiyey bande, wa i gagay. Irkoy m'ir nd'ey batu.

HAARAY

Aru foo no kaŋ maa-
noo ti Haamadi. A
man'ti kala fuula
hansekaw, kungu
fuula. Haamadi koy
yooboo ra, nda fuula-
wey k'i neere.

Yooboo ga mooru
koyraa. A bara, a dira,
hal' a too nongu foo ra.
A fara, a jirbi tuuri foo
cire saaji foo ra.

Foono-ize fooyan kaa
ka fuulawey haamay, i
n'i ka zigi tuuroo boŋ
beene. Haamadi tun
jirboo ra, a na nga
fuulawey guna, i šii no.

A na boŋo jer, a dii
foono-izey tuuroo ga,
fuulawey g'i kone.

Boŋoo haw. Foono-
izey g'a nooŋo tuuroo
boŋ beene. Haamadi
duu lakkal foo: A ma
foono-izey jindaw nda
tondiyan. Foono-izey
futu, ngi mo i na fuula-
wey ka warra. Haa-
madi duu nga fuula-
wey, a koy yooboo.

Co.Sa.C.

Šaato boŋkoynoo
nda nga konseyey
ga marga alhadi
kul guuru hinza
nda jere.

Tel: 75.49.8971

Noowanbur 2009

ATINNOO	ATALAATAA	ALARBAA	ALHAMIISAA	ALZUMAA	ASIBTOO	ALHADOO
						1 Šaato Margaroo
2	3	4	5	6	7	8 Šaato Margaroo
9	10	11	12	13	14	15 Šaato Margaroo
16	17	18	19	20	21	22 Šaato Margaroo
23 30	24	25	26	27	28	29 Šaato Margaroo

SONAY YAASAY

Takaa kaŋ
jamaa ti a kul a ba boro foo.

Deesanbur 2009

ATINNOO	ATALAATAA	ALARBAA	ALHAMIISAA	ALZUMAA	ASIBTOO	ALHADOO
	1	2	3	4	5	6 Šaato Margaroo
7	8	9	10	11	12	13 Šaato Margaroo
14	15	16	17	19	19	20 Šaato Margaroo
21	22	23	24	25	26	27 Šaato Margaroo
28	29	30	31			